



PARLIMEN MALAYSIA



RANG UNDANG-UNDANG

**Rang Undang-undang Perbadanan Kemajuan Filem Nasional
Malaysia (Pindaan)**

DR.10/1984

RANG UNDANG-UNDANG

bernama

Suatu Akta untuk meminda Akta Perbadanan Kemajuan Filem Nasional Malaysia 1981.

[]

MAKA INILAH DIPERBUAT UNDANG-UNDANG oleh Duli Yang Maha Mulia Seri Paduka Baginda Yang di-Pertuan Agong dengan nasihat dan persetujuan Dewan Negara dan Dewan Rakyat yang bersidang dalam Parlimen, dan dengan kuasa daripadanya, seperti berikut :

1. (1) Akta ini bolehlah dinamakan Akta Perbadanan Kemajuan Filem Nasional Malaysia (Pindaan) 1984 dan adalah terpakai di seluruh Malaysia.

Tajuk ringkas, pemakaian dan mula berkuatkuasa.

(2) Akta ini hendaklah mula berkuatkuasa pada tarikh yang ditetapkan oleh Menteri melalui pemberitahuan dalam *Warta* dan dia boleh menetapkan tarikh yang berlainan bagi peruntukan-peruntukan yang berlainan dan bagi bahagian-bahagian yang berlainan dalam Malaysia.

2. Seksyen 2 Akta Perbadanan Kemajuan Filem Nasional Malaysia 1981, yang disebut "Akta ibu" dalam Akta ini, adalah dipinda—

Pindaan seksyen 2. Akta 244.

(a) dengan memasukkan selepas sahaja perkataan-perkataan "filem pendek," dalam takrif "filem-filem", perkataan-perkataan "filem subjek ringkas,";

(b) dengan memasukkan selepas sahaja perkataan-perkataan "apa-apa jenis bahan" dalam takrif "filem-filem", perkataan-perkataan " , termasuk pita video dan ceper video,";

- (c) dengan memasukkan selepas sahaja takrif “filem-filem”, takrif baru yang berikut:
 “filem subjek ringkas” ertinya—
 (a) apa-apa dokumentari;
 (b) apa-apa filem animasi;
 (c) apa-apa filem yang bercorak kebudayaan atau pengajaran; atau
 (d) apa-apa filem eksperimen,
 yang panjangnya tidak melebihi tiga puluh minit;”
- (d) dengan memasukkan sebelum sahaja takrif “pegawai Perbadanan”, takrif baru yang berikut:
 “pegawai berkuasa” ertinya seorang pegawai yang diberikuasa secara bertulis oleh Menteri;”
- (e) dengan memasukkan selepas sahaja takrif “pegawai Perbadanan”, takrif baru yang berikut:
 “pemegang lesen” ertinya mana-mana orang yang dikeluarkan lesen kepadanya di bawah Akta ini;” dan
- (f) dengan memasukkan selepas sahaja perkataan-perkataan “memproses filem-filem” dalam takrif “pengeluaran filem”, perkataan-perkataan “, atau merekod atau menyalin pita video,”.

Pindaan
seksyen 7.

3. Seksyen 7 Akta itu adalah dipinda dengan memasukkan selepas sahaja perkataan “Malaysia” dalam subseksyen (2), perkataan-perkataan “kecuali kuasa untuk membuat peraturan-peraturan”.

Seksyen
baru 22A.

4. Akta itu adalah dipinda dengan memasukkan selepas sahaja seksyen 22, seksyen baru 22A yang berikut:

“Pemberian
perakuan
merit
kepada
filem-
filem
subjek
ringkas.

22A. (1) Perbadanan boleh memilih mana-mana filem subjek ringkas yang dikeluarkan oleh pemegang lesen yang mengambil bahagian dalam pengeluaran filem bagi maksud menilai filem itu dengan tujuan untuk memberi perakuan merit kepada filem itu.

(2) Dalam seksyen ini, "perakuan merit" ertinya suatu perakuan yang dikeluarkan oleh Perbadanan bagi mana-mana filem subjek ringkas untuk menunjukkan bahawa filem itu bermutu yang boleh diterima untuk pameran filem."

5. Akta ibu adalah dipinda dengan memasukkan selepas sahaja seksyen 24, seksyen baru 24A dan 24B yang berikut:

Seksyen baru 24A dan 24B.

"Pengeanaan bayaran filem. 24A. Tiap-tiap pemegang lesen yang mengimport apa-apa filem hendaklah, sebelum filem itu diedarkan, mengemukakan suatu akuan dalam borang yang ditetapkan, dan membayar bayaran filem mengikut kadar yang ditetapkan, kepada Perbadanan.

Anggapan. 24B. Bagi maksud-maksud Akta ini, mana-mana orang yang ada dalam milik, jagaan atau kawalannya tiga atau lebih daripada tiga buah filem yang mempunyai tajuk yang sama, hendaklah, melainkan jika dibuktikan sebaliknya, dianggap mengambil bahagian dalam pengedaran filem".

6. Seksyen 25 Akta ibu adalah dipinda dengan memasukkan selepas sahaja perkataan-perkataan "ribu ringgit" dalam subseksyen (1), perkataan-perkataan "atau penjara selama tempoh tidak lebih daripada dua tahun atau kedua-dua denda dan penjara itu."

Pindaan seksyen 25.

7. Akta ibu adalah dipinda dengan memasukkan selepas sahaja Bahagian V, Bahagian baru VA yang berikut:

Bahagian baru VA.

BAHAGIAN VA

PENGUATKUASAAN

Pemberian-kuasa kepada pegawai-pegawai untuk menjalankan kuasa-kuasa di bawah Bahagian ini. 26A. (1) Menteri boleh memberi kuasa secara bertulis kepada mana-mana pegawai awam atau pegawai Perbadanan untuk menjalankan kuasa-kuasa di bawah Bahagian ini.

(2) Mana-mana pegawai itu hendaklah disifatkan sebagai pengkhidmat awam dalam erti Kanun Keseksaan.

(3) Pada menjalankan apa-apa kuasa di bawah Bahagian ini, seseorang pegawai hendaklah, apabila diminta, mengemukakan kepada orang yang terhadapnya dia mengambil tindakan di bawah Akta ini, surat kuasa yang dikeluarkan kepadanya oleh Menteri.

Kuasa
untuk
menangkap.

26B. (1) Seseorang pegawai berkuasa atau pegawai polis boleh menangkap tanpa waran seseorang yang melakukan atau cuba melakukan atau bersubahat melakukan suatu kesalahan atau yang semunasabahnya disyaki sedang mengambil bahagian dalam melakukan atau cuba melakukan atau bersubahat melakukan suatu kesalahan di bawah Akta ini atau perundangan kecil yang dibuat di bawahnya jika orang itu enggan atau tidak memberi nama dan alamat atau jika ada sebab-sebab yang munasabah bagi mempercayai bahawa dia telah memberi suatu nama atau alamat yang palsu atau bahawa dia mungkin melarikan diri.

N.M.B.
Bab 6.

(2) Apabila seseorang telah ditangkap di bawah subseksyen (1), dia hendaklah selepas itu diuruskan sebagaimana diperuntukkan oleh Kanun Prosedur Jenayah.

Meng-
geledah
dengan
waran.

26C. (1) Apabila didapati oleh seseorang Majistret dari maklumat bertulis atas sumpah dan selepas apa-apa siasatan yang difikirkannya perlu bahawa ada sebab-sebab yang munasabah bagi mempercayai bahawa dalam sesuatu rumah kediaman, kedai, lain-lain bangunan atau tempat ada sedang dilakukan suatu kesalahan di bawah Akta ini atau perundangan kecil yang dibuat di bawahnya, Majistret itu boleh mengeluarkan suatu waran membenarkan mana-mana pegawai berkuasa atau seorang pegawai polis yang berpangkat tidak rendah daripada Inspektor yang dinamakan dalam waran itu, pada waktu siang atau malam dan dengan atau tanpa bantuan, memasuki rumah kediaman, kedai, lain-lain

bangunan atau tempat itu dan di situ menggeledah dan menyita dan mengeluarkan darinya apa-apa filem, kelengkapan filem, buku, dokumen atau lain-lain benda yang semunasabahnya dipercayai akan memberi keterangan tentang perlakuan kesalahan itu.

(2) Mana-mana pegawai itu boleh, jika perlu berbuat demikian—

- (a) memecah buka mana-mana pintu luar atau pintu dalam rumah kediaman, kedai, atau lain-lain bangunan atau tempat itu, dan memasukinya;
- (b) dengan cara kekerasan, memasuki tempat itu dan tiap-tiap bahagiannya;
- (c) membuang dengan kekerasan apa-apa halangan untuk memasuki, menggeledah, menyita dan memindahkan sebagaimana yang diberikuasa untuk melakukannya; dan
- (d) menahan tiap-tiap orang yang dijumpai di tempat itu sehingga tempat itu telah digeledah.

Menggeledah tanpa waran.

26D. Apabila didapati oleh mana-mana pegawai berkuasa atau seseorang pegawai polis yang berpangkat tidak rendah daripada Inspektor bahawa ada sebab-sebab yang munasabah bagi dipercayai bahawa di dalam sesuatu rumah kediaman, kedai, lain-lain bangunan atau tempat ada tersembunyi atau tersimpan apa-apa filem atau kelengkapan filem yang berkenaan dengannya suatu kesalahan di bawah Akta ini atau perundangan kecil yang dibuat di bawahnya sedang atau telah dilakukan, atau apa-apa benda lain berhubungan dengan kesalahan itu, dan jika dia mempunyai alasan-alasan yang munasabah bagi dipercayai bahawa dengan sebab kelengahan bagi mendapatkan suatu waran geledah, filem, kelengkapan filem, buku, dokumen atau benda itu mungkin dipindahkan, pegawai itu boleh menjalankan semua kuasa yang dinyatakan dalam seksyen 26C

seolah-olah dia diberikuasa berbuat demikian oleh suatu waran yang dikeluarkan di bawah seksyen itu.

Senarai
benda-
benda
yang
disita.

26E. Pegawai berkuasa atau pegawai polis yang menyita apa-apa filem, kelengkapan filem, buku, dokumen atau lain-lain benda di bawah Bahagian ini hendaklah menyediakan suatu senarai benda-benda yang disita dan dengan serta-merta menyerahkan suatu salinannya yang ditandatangani olehnya kepada penduduk itu atau kepada ejen-ejen atau pengkhidmat-pengkhidmatnya yang berada di premis itu.

Melak
benda-
benda
yang
disita.

26F. (1) Jika apa-apa filem, kelengkapan filem, buku, dokumen atau lain-lain benda yang disita oleh pegawai berkuasa atau pegawai polis dalam menjalankan kuasa-kuasa di bawah Akta ini adalah, disebabkan jenis, saiz atau amaunnya, tidak praktik untuk dipindahkan dari mana ianya dijumpai, dia boleh dengan apa-apa cara melak filem, kelengkapan filem, buku, dokumen atau lain-lain benda itu dalam premis atau bekas di mana ia dijumpai dan adalah menjadi suatu kesalahan bagi mana-mana orang yang tidak mempunyai surat kuasa yang sah untuk memecah, mengubah atau merosakkan lak itu atau memindahkan filem, kelengkapan filem, buku, dokumen atau lain-lain benda itu atau untuk mencuba berbuat demikian.

(2) Mana-mana orang yang melakukan suatu kesalahan di bawah subseksyen (1) boleh, apabila disabitkan, dikenakan denda tidak lebih daripada tiga ribu ringgit atau penjara selama tempoh tidak lebih daripada satu tahun atau kedua-dua denda dan penjara itu.

Kuasa
untuk
menyiasat.

26G. (1) Mana-mana pegawai berkuasa atau pegawai polis yang berpangkat tidak rendah daripada Inspektor adalah mempunyai kuasa untuk menyiasat tentang perlakuan sesuatu kesalahan di bawah Akta ini atau di bawah perundangan kecil yang dibuat di bawahnya.

(2) Mana-mana pegawai berkuasa atau seseorang pegawai polis yang berpangkat tidak rendah daripada Inspektor boleh, berhubung dengan apa-apa penyiasatan berkenaan dengan apa-apa kesalahan di bawah Akta ini atau perundangan kecil yang dibuat di bawahnya, menjalankan kuasa-kuasa khas berhubung dengan penyiasatan-penyiasatan polis yang diberi oleh Kanun Prosedur Jenayah dalam apa-apa kes boleh tangkap.

*N.M.B.
Bab 6.*

Menjalankan pendakwaan.

26H. Apa-apa jua pendakwaan berkenaan dengan suatu kesalahan di bawah Akta ini atau perundangan kecil yang dibuat di bawahnya boleh dijalankan oleh seorang pegawai berkuasa.

Kuasa untuk memeriksa.

26I. Tanpa menyentuh peruntukan-peruntukan lain dalam Bahagian ini, mana-mana pemegang lesen atau mana-mana orang yang memohon untuk dilesen atau yang dikehendaki supaya dilesen di bawah Akta ini hendaklah membenarkan penyiasatan atau pemeriksaan dijalankan ke atas premis, filem, kelengkapan filem, buku, dokumen atau benda-benda yang dipunyai atau disimpan oleh pemegang lesen atau orang itu.

Halangan terhadap penggelidahan dsb.

26J. Mana-mana orang yang—

- (a) tidak membenarkan mana-mana pegawai berkuasa atau pegawai polis untuk masuk sesuatu tempat;
- (b) menyerang, menghalang, merintang atau melambatkan mana-mana pegawai berkuasa atau pegawai polis dalam melakukan apa-apa kemasukan yang dia berhak melakukan di bawah Akta ini, atau semasa menjalankan apa-apa kewajipan yang ditanggungkan atau kuasa yang diberi oleh Akta ini; atau

- (c) enggan atau cuai memberi apa-apa maklumat yang semunasabahnya dikehendaki daripadanya dan yang mana ada dalam kuasanya untuk memberi,

adalah bersalah atas suatu kesalahan dan boleh, apabila disabitkan, dikenakan denda tidak lebih daripada tiga ribu ringgit atau penjara selama tempoh tidak lebih daripada satu tahun, atau kedua-dua denda dan penjara itu.

Mengkompaun.

26K. (1) Seseorang pegawai berkuasa boleh menurut budi bicaranya mengkompaun apa-apa kesalahan di bawah Akta ini (kecuali seksyen 22) atau perundangan kecil yang dibuat di bawahnya sebagaimana yang ditetapkan oleh peraturan-peraturan di bawah seksyen 34 sebagai kesalahan-kesalahan yang boleh dikompaun dengan cara memungut daripada orang yang semunasabahnya disyaki telah melakukan kesalahan itu sejumlah wang tidak lebih daripada satu ribu ringgit atau, jika denda maksimum yang ditetapkan oleh Akta ini atau perundangan kecil yang dibuat di bawahnya bagi kesalahan itu kurang daripada satu ribu ringgit, sejumlah wang tidak lebih daripada denda maksimum itu.

(2) Walau apa pun seksyen 26L, setelah membayar amaun yang kena dibayar di bawah subseksyen (1), orang yang semunasabahnya disyaki telah melakukan suatu kesalahan, jika berada dalam jagaan hendaklah dilepaskan, dan apa-apa benda yang disita hendaklah dilepaskan tanpa apa-apa prosiding selanjutnya.

Perlucuthakan benda-benda yang disita.

26L. (1) Semua benda yang disita semasa menjalankan apa-apa kuasa yang diberi di bawah Akta ini boleh dilucuthak.

(2) Suatu perintah bagi perlucuthakan atau bagi pelepasan apa-apa benda yang disita semasa menjalankan apa-apa kuasa yang diberi di bawah Akta ini hendaklah dibuat oleh Mahkamah sebelum pendakwaan mengenainya dijalankan dan suatu perintah bagi

perlucuthakan barang-barang hendaklah dibuat jika telah dibuktikan dengan memuaskan hati Mahkamah bahawa suatu kesalahan di bawah Akta ini atau di bawah perundangan kecil yang dibuat di bawahnya telah dilakukan dan bahawa benda-benda itu adalah menjadi hal-perkara atau telah digunakan dalam perlakuan kesalahan itu walaupun tiada orang yang mungkin telah disabitkan atas kesalahan itu.

(3) Jika tidak ada pendakwaan mengenai apa-apa benda yang disita semasa menjalankan apa-apa kuasa yang diberi di bawah Akta ini benda-benda itu hendaklah diambil dan disifatkan telah dilucuthak apabila habis tempoh satu bulan kalendar dari tarikh penyitaan melainkan jika suatu tuntutan baginya dibuat sebelum tarikh yang ditetapkan kemudian dari ini.

(4) Mana-mana orang yang menegaskan bahawa dia adalah pemunya benda-benda itu dan bahawa benda-benda itu tidak boleh dilucuthak boleh dengan sendiri atau melalui ejennya yang diberikuasa secara bertulis memberi notis bertulis kepada mana-mana pegawai berkuasa atau mana-mana pegawai polis yang berpangkat tidak rendah daripada Inspektor bahawa dia menuntut barang itu.

(5) Setelah menerima notis itu pegawai berkuasa atau pegawai polis itu hendaklah merujukkan tuntutan itu kepada Ketua pegawai eksekutif yang boleh mengarahkan supaya benda-benda itu dilepaskan atau boleh mengarahkan pegawai berkuasa atau pegawai polis tersebut merujukkan perkara itu kepada mahkamah untuk diputuskan.

(6) Mahkamah yang kepadanya perkara itu dirujuk hendaklah mengeluarkan suatu saman yang menghendaki orang yang menegakkan bahawa dia adalah pemunya benda-benda itu dan orang yang darinya benda-benda itu disita supaya hadir dalam Mahkamah dan apabila dia hadir atau tidak hadir, dan apabila penyampaian wajar saman itu dibuktikan, mahkamah hendaklah terus memeriksa perkara itu dan apabila dibuktikan bahawa suatu kesalahan di bawah Akta ini atau di bawah perundangan kecil yang dibuat di bawahnya telah dilakukan dan bahawa benda-benda itu adalah menjadi hal-perkara atau telah digunakan dalam perlakuan kesalahan itu, hendaklah mengarahkan supaya benda-benda itu dilucuthak atau boleh, jika bukti tidak ada, memerintahkan pelepasannya.

(7) Semua benda yang dilucuthak atau yang disifatkan sebagai dilucuthak hendaklah dilupuskan mengikut arahan ketua pegawai eksekutif.”

Seksyen 30
dan 31
dipotong.

8. Akta ibu adalah dipinda dengan memotong seksyen 30 dan 31.

Pindaan
seksyen 34.

9. Subseksyen (2) seksyen 34 Akta ibu adalah dipinda—

(a) dengan memotong perkataan “dan” di hujung perenggan (b);

(b) dengan menggantikan noktah di hujung perenggan (c) dengan koma bertitik dan memasukkan selepas sahaja koma bertitik itu, perkataan “dan”; dan

(c) dengan memasukkan selepas sahaja perenggan (c), perenggan baru (d) yang berikut:

“(d) menetapkan kesalahan-kesalahan yang boleh dikompaun dan prosedur bagi mengkompaun kesalahan-kesalahan itu.”

10. Akta ibu adalah dipinda dengan memasukkan selepas sahaja seksyen 34, seksyen 34A yang berikut :

Seksyen baru 34A.

"Pengecualian.

34A. Menteri boleh mengecualikan mana-mana orang atau golongan orang daripada mana-mana atau semua peruntukan Akta ini."

11. Seksyen 2 teks Bahasa Malaysia Akta ibu adalah dipinda dengan menggantikan perkataan "rencana" dalam takrif "filem-filem" dengan perkataan "cerita".

Pindaan takrif "filem" dalam teks Bahasa Malaysia.

HURAIAN

Suatu Akta untuk meminda Akta Perbadanan Kemajuan Filem Nasional Malaysia 1981.

2. *Fasal 2* mengemukakan takrif-takrif "filem subjek ringkas", "pegawai berkuasa" dan "pemegang lesen". Fasal ini bertujuan memasukkan "pita video dan ceper video" dan "filem subjek ringkas" dalam takrif "filem-filem" dan "merekod dan menyalin pita-pita video" dalam takrif "pengeluaran filem".

3. *Fasal 3* bertujuan meminda seksyen 7 (2) supaya mengeluarkan dari seksyen itu kuasa untuk membuat peraturan-peraturan.

4. *Fasal 4* mengemukakan suatu seksyen baru, iaitu seksyen 22A, di mana Perbadanan boleh memberi perakuan merit bagi filem subjek ringkas untuk menunjukkan bahawa filem itu yang bermutu boleh diterima untuk tayangan awam.

5. *Fasal 5* mengemukakan dua seksyen baru iaitu seksyen 24A dan 24B. Seksyen 24A mengenakan bayaran filem bagi tiap-tiap filem luar negeri yang diimport oleh pemegang lesen yang mengambil bahagian dalam pendedaran filem. Seksyen 24B menghasilkan suatu anggapan: seseorang itu adalah dianggap mengambil bahagian dalam pendedaran filem jika dia ada dalam milik, jagaan atau kawalannya tiga atau lebih daripada tiga salinan filem yang mempunyai tajuk yang sama.

6. *Fasal 6* bertujuan meminda seksyen 25 untuk mengadakan penalti penjara tambahan selama tempoh tidak lebih daripada dua tahun atau kedua-dua denda dan penjara bagi apa-apa pelanggaran terhadap peruntukan-peruntukan Bahagian V.

7. *Fasal 7* bertujuan mengemukakan suatu Bahagian baru, iaitu, Bahagian VA. Bahagian ini adalah mengenai perkara-perkara berhubung dengan penguatkuasaan. Perkara-perkara seperti kuasa untuk menangkap, kuasa untuk menggeledah premis, kuasa untuk menjalankan pendakwaan, kuasa penyitaan dan prosedur bagi pelupusan benda-benda yang disita dan kuasa untuk menyiasat kesalahan-kesalahan adalah diperuntukkan dengan terperinci

dalam Bahagian ini. Bahagian ini juga mengadakan peruntukan bagi mengkompaun kesalahan-kesalahan dan pengenalan diri pegawai-pegawai semasa mengambil tindakan.

8. *Fasal 8* bertujuan memotong seksyen 30 dan 31. Seksyen 30 adalah dipotong kerana ia boleh diertikan sebagai memberi bidang kuasa hanya kepada Mahkamah Sesyen sahaja untuk membicarakan kesalahan-kesalahan di bawah Akta ini. Dari segi amalan, bukan sahaja sesuai tetapi adalah juga konsisten dengan Akta Mahkamah Rendah 1948 sekiranya kesalahan-kesalahan di bawah Akta ini dibicarakan di hadapan Magistret Kelas Satu. Dengan pemotongan seksyen ini adalah jelas sekarang bahawa semua kesalahan di bawah Akta ini, sama ada dilakukan di Semenanjung Malaysia atau di Sabah dan Sarawak, boleh dibicarakan oleh Magistret Kelas Satu. Seksyen 31 adalah dipotong supaya kesalahan-kesalahan di bawah Akta ini tidak akan menjadi kesalahan-kesalahan boleh tangkap. Akibatnya apa-apa prosiding berkenaan dengan apa-apa jua kesalahan di bawah Akta ini biasanya hendaklah dijalankan secara saman.

9. *Fasal 9* bertujuan memberi kuasa kepada Perbadanan untuk membuat peraturan-peraturan yang menetapkan kesalahan-kesalahan yang boleh dikompaun dan presedur untuk mengkompaun.

10. *Fasal 10* bertujuan mengemukakan suatu seksyen baru iaitu seksyen 34A, di mana Menteri boleh mengecualikan mana-mana orang atau golongan orang daripada apa-apa atau kesemua peruntukan Akta ini.

11. *Fasal 11* bertujuan meminda takrif "filem-filem" dalam teks Bahasa Malaysia Akta ini supaya istilah Bahasa Malaysia bagi "feature film" menjadi "filem cerita" sebagai ganti "filem rencana".

IMPLIKASI KEWANGAN

Rang Undang-Undang ini tidak akan melibatkan Kerajaan dalam apa-apa perbelanjaan wang tambahan. [PN. (U²) 1248.]